

Միաժամանակ այս փառաւոր յողթութիւններին զուգընթաց կառավարութիւնը այս երկու ամսայ ընթացքում լարած աշխատանք է կատարել: Երկու ամսայ ընթացքում նա ընդունել է 52 օրինագիծ, անց է կացրել 117 նախահաշիւ, վարկ և ունեցել է շատ կարեւոր որոշումներ\*):

Կառավարութեան համար խոշոր մտահոգութեան պատճառ է հացի խնդիրը: Մեր երկրի բերքը մեր կարիքներին կը բաւարարէ 8-9 ամիս. մենք այս տարի կարող ենք հաւաքել մեր արտերից մինչև 7 միլիոն փութ ցորեն: Մեզ կը պակասի մօտ 3 միլիոն փութ հացահատիկ. ձեռք բերելու համար արդէն որոշ քայլեր ենք անում: Գնումների և այլ միջոցների շնորհիւ մենք, հաւանօրէն, կը կարողանանք առաջիկայ տարին առանց ճգնաժամի անցկացնել:

Կառավարութիւնը ուշադրութիւն է դարձրել մեր հարկային սիստեմը վերամշակելու վրա (այս խօսքի ժամանակ պարլամենտի քարտուղար Ա. Սաֆրաստեանը նախարարապետին յանձնում է նոր ստացւած հեռագիրը):

Նախարարապետ Հ. Օհանջանեանը, ընդհատելով իր զեկուցումը, կարողում է այդ հեռագիրը, որն աւետում է Դրօի հրամանատարութեան տակ մեր զօրքերի նոր յողթանակի մասին. Չանդեզուրի ճակատում, կուրից յետոյ, մեր զօրքերն առել են 12 դերի, 1 օթօմօբիլ, գնդացիներ, բազմաթիւ հրացաններ, ահագին քանակութեամբ փամփուշտ և այլն: Տեղական ազգաբնակչութիւնը և զիւղացիութիւնը մեր զօրքերին միացած հետապնդում են փախչող թշնամուն (բունն ալմկալից ծափեր):

Նախարարապետը շարունակում է իր ընդհատած զեկուցումը. —

Մեր հարկային սիստեմի վերամշակման համար կազմել է յատուկ յանձնաժողով, որը նախապատրաստական աշխատանքներ է կատարում: Անկախութեան փոխառութեան վերաբերմամբ տեսաք ժողովրդի զիտակից և խանդավառ վերաբերմունքը: Մեր պետական հաշւապահութիւնը նոր հիմքերի վրա է դրւում: Պետական գոյքերի հաւաքման և կանոնաւորման համար գործնական աշխատանքներ են կատարւում: Հողային հարցը լուծելու համար կազմել են հողային կոմիտէներ: Այդ հողային կոմիտէները մեծ գործ կատարեցին: Ամէն մի գիւղ ապահովւած է հողային բաժիններով: Հայացման գործը արագացւել է: Գործավարութիւնը արդէն հայերէն է տարւում, հայացւում է նաև պաշտօնէութիւնը: Հայաստանի համալսարանը Ալեքսանդրապոլից տեղափոխւում է Երևան: Բացի պատմա-լեզուաբանական ֆակուլտէից բացւում են նոր ֆակուլտէներ, ինչպէս օրինակ, բնագիտա-մաթեմատիկական՝ զիւղատնտեսական բաժանմունքով, իրաւաբանական և բժշկական ֆակուլտէներ:

Այնուհետև նախարարապետը խօսում է արդէն անցկացրւած հացի ճգնաժամի վերաբերմամբ կառավարութեան ձեռք առած միջոցների մասին, որից յետոյ մանրամասնաբար տեղեկութիւններ է տալիս ամէն մի նախարարութեան գործունէութեան մասին.

Ֆինանսական դրութիւնը բարւոքելու համար միջոցներ էին ձեռք առնել: Ապրանքների ներածումը սահմանափակեց և արտահանման պայմաններն ու հնարաւորութիւնները ընդլայնեցին: Արդեւեց մեծ քանակութեամբ մեր չէկերի արտասահման տանելը: Դրամական փոխադրումների գործը կանոնաւորեց և սոյն օգոստոս 15-ից դրամական փոխադրումներ կը կատարւեն նաև քաղաքացիների համար: Պետական էքսպեդիցիան ընդ-

\*) Նախարարապետը քոււմ է գլխաւորները դրանցից: